

王焱
編

日本漢文學百家集 97



北京燕山出版社



王焱 主編

日本漢文學百家集
97



北京燕山出版社

第九十七册

鳳岡林先生全集 目錄六卷 年譜 行狀 碑銘 林鳳岡 著 延享元年 …………… 一

鳳岡全集序

夫儒者詩書之博蓄為道德
著為文章而負一時山斗之
望焉乃其才子令孫德鈞名
鈞以世其業而不墜家聲者

數百歲而僅有是可尚也已
鳳岡林子蓋其人耶其祖羅
山師事我先惺窩深得其道
博學鴻才世之學者到于今
稱之殆一百年矣鸞峰以父

為師克濟其美以至鳳岡鳳
岡服膺家訓顯揚先業其學
以經術為本而博涉羣籍尤
能屬文而言論風旨發揮施
設皆出於其學爵祿優加名

德益邵蔚然為士大夫所矜
式負笈踵門者數百人及其
老也侯退自將環堵之室左
右圖史披閱讎對以此為娛
其接學者諄々以答問與賓

客談論援据經史高擢古今
人未見有倦色吁偉哉鳳岡
三世以醇儒稱有子克家有
孫紹業而身得其壽八十有
九此天之所以祉於林氏蓋

由其積善積善由其學者固
不可誣也鳳岡在日屢與我
先考通書問先考稱為長者
迺者其子信克東鳳岡之詩
文以為全集一百有二十卷

請序於余余固不才且我家
累世以和歌為業余方攷々
於茲未能肆力於文學為辭
再三而請之不已遂書其所
聞為序以贈云

元文三年冬十月

參議正三位藤原宗家序

鳳岡林先生全集序

古曰必有非常之人然
後有非常之事有非常
之事然後有非常之功

嗚呼謂之非常則不朽
不朽者豎儒能道之矣
而其人奚可多得况非
身遇

聖明才練典章則非常之
事功豈易舉哉我

先考朝散大夫前國子
祭酒內史正獻先生林

君其為人也剛直有大

志嗣

父祖之遺業而研覃儒
經遇風雲之盛會而議

定政術然不挾權執不
貴阿順仕於

四主及

今朝

召對有常

顧問不已祿爵之崇聲稱
之盛出入內外者七十
餘年皤然眉髮在就室